


KULIKATA

 Kusunga mujimbu uze Ndumbu walunga Pearry natuhane etu haze vene kufuma mu Lizu lya Kalunga. Naupwa ngachilihi muchano “Etu natuhonesa Kalunga na lwola lwa Kalunga; kaha Ikiye ali wa Hayamyaka, etu katweshi kuhasa kulinga echiko.” Shikaho ufukuuno etu tuli nakuwana chumachimwe cheka jino, chili kulikata.

² Myaka yitatu Ngwavandaminyine ha liuka hakwiza mu Tucson, oloze ili hano. Yaa, etu tuli—etu tuli hano. Shikaho etu twasakwilila Mwata, Ikiye eji kutwechelenga etu kuvandamina palanga etu tunahase kusakwilila echi jino.

³ Jino, kuli chuma chimwe echi Ngwatondanga kuhanjika shimbu kanda etu tuputuke echi kulikata, echi chili, echi Ngwafwelela ngachize nge etu tukwechi kumona chikuma mumakumbi aze etu tulinakoyelamo, nge etu twatela vene kuhana (kala) vyosena etu kupwa Kalunga. Etu—etu twatela vene kuzachila Kalunga. Ngwafwelela nge Ikiye na tukisula na kukumbulula chakufuma mu Chisoneka. Nge Ndumbu walunga Pearry achihanyine tando yayindende kunyima okwo, nge etu—etu tuli—etu tuli hali luze lwola. Etu tuli tupuputa, etu—etu—etu twamono nge etu tuli hano, etu—etu twahete.

⁴ Kaha etu nawa tunahase kutala nakujinguluka na kumona nge jila ya vishinganyeka vyauthu vili nakuseza vathu, nge, etu—etu katweshi kuhasa kutwama nkaushimbula chikumako, etu natuya nakupwa mukupwa vene muzuvo yavakakuzaluka, kaye kosena nakaya nakupwa. Talenu? Shikaho etu—etu tuli halwola lwamakumishilo.

⁵ Jino, nge Ndumbu walunga Pearry akumishilo haze, kumona vyuma kna kupwa vya muchano, kutala nge vakiko vanapu vamuchano, vakiko kavapwile vishimoko. Vakiko vali kaha chumachimwe chize etu tulinakujinuka. Vakiko vali chumachimwe chize chinapunga vene chakuhana kuli etu ha Lizu lya Kalunga na kusoloka kulikungumbuwa kumeso aetu, nge etu tunatachikiza etu tuli hano. Etu—etu tunahono kutachikiza lwola muka jino, mwomwo cheka etu twejile nakukinduluka nakutala, mwamono, lwola muka. Oloze etu tuli. . . etu tunatachikiza etu—etu tuli hano, etu tuli ha lwola. Chipwe lwola lwa Kalunga, Nanguya nakushinganyeka. . .

⁶ Muthuumwe ahanyine kukekesa lwola lumwe uze ahanjikile nge kachi Kalunga mwaya nakupwa hamwe na ikiye kutesekesa. . . kachi Ikiye apwilenga na lwola lwaluvulu, wani—wani sauzande ya myaka yinapu likumbi limwe. Shikaho kachi nge muthu ayoyele myaka sevente, nachiya nakupwa minyutu yayindende ya lwola lwa Kalunga. Talenu? Chamwaza, kaha

ambile ngwenyi nachiya nakupwa myaka fwote, nge nachiya nakupwa vene lwola, chinahase, Ikiye nahase kukelenya liso Lyenyi. Talenu? Talenu, omu mukiko omu chapwa washiwashi, chuma chosena, kachi vanachihane lwola; chize, Ikiye katwama na lwolako. Shikaho Ikiye apwa kaha wa Hayamyaka.

⁷ Ngwafwelela apwile Sala kunyima kuze... mokomoko, nduma, apwilenga Yosefwe, ufuku ukwavo, ahanjikile kuli yami na Ndumbu walunga Peary. Ikiye ambile ngwenyi, “Tata, kulihi, lwola muka Kalunga ejile hano nakusoloka? Ikiye Afuma kulihi?” Talenu? “Ikiye atela kupwa na maputukilo, Ikiye keshi ngochoko? Ikiye Katela kupwa na maputukiloko?”

⁸ Ngwambile ngwami, “Nduma. Kalachuma chize chikwechi maputukilo chatwama na makumishilo, oloze echi chili chize chikwechi maputukilo chikwechi makumishilo.” Mukiko vene, ikiye ali na myaka teni yakusemuka, chize chapwilenga nge—nge kupwa vene kanwa kambe kaikiye. Talenu? Kaha ikiye mwaya ngachilihi nakutambula echi, kutachikiza nge chumachimwe kanda lyehi chiputuke? Keshi kaha kuli ikiye kahako, chili nakuli yami. Jino, talenu, chinapu kaha kukafwa chachinene kuli yami, omwo chaputukilenga.

⁹ Jino etu tuli nakutala chumachimwe hano chili vene chakujila.

¹⁰ Vangusanyikilenga hamakumbi amandende kunyima okwo, kuli vathu umwe vamwaza Mukakulishitu wautongwe uze—uze apwile tele kanda apwenga na echi, kaha ikiye evwushishile nge etu tweji kulikatanga kaha. Vakiko veji kupwanga nachize vavuluka “kulikata cha mushipilitu.” Kaha echi, nge kutesekesa na *kulikata*, Nanguya nakuhanjika mwakwoloka, mwomwo *kulihanjikisa* chinapu “kuhanjika ku,” talenu. Kaha uze ndumbu walunga anguhanyine echi Chisoneka, ambile ngwenyi, “Ndumbu walunga Branham, kawashinganyeka jinoko...”

¹¹ Jino, mulonga Nguli nakuhanjika echi... Echi chinapu vene chakwoloka, Ndumbu walunga Peary? [Ndumbu walunga Peary Green akumbulwile, “Punduvene.”—Muka.] Talenu, ou ukiko mulonga Ngulinakuhanjika echi, shikaho enu namuya nakwivwushisa chuma muka enu muli nakuya nakulinga. Enu kamweshi... kachi enu namutambuka muchuma chimwe muupuputa, enu munahono kutachikiza kulihi, chuma muka enu muli nakulinga. Enu kamweshi kuhasa kupwa nalufwelelo kachi enu kamwatachikijileko chumamuka enu mulinakulinga. Oloze enu mwatela kwivwushisa enu chuma muka enu mulinakulinga kaha mwomwoika enu mulinakuchilinga.

¹² Ikiye ambile ngwenyi, “Jino kachi etu natumbata eli Lizu Iya Kalunga, kumana keshi kuhasa kupwa Kalungako ou etu tulinakuhanjikaho?”

¹³ ngwambile ngwami, “Chili vene chakwoloka, mwane, chinapu muchano. Oloze etu twatange hano nge vakiko

vapwile vene...Paulu anangwile kuhanjika ha kulya cha Mwata chachingoloshi. 'Echi kachilingenu mukungwanuka Yami,' mukiko ambile Yesu. 'Omwo enu namuchilinganga mulinakungwanuka Yami, enu muli nakusolola kufwa cha Mwata palanga nomu Ikiye mwakeza.'" Talenu? Jino, etu twatela kupwa na echi.

14 Etu twevwushisa nge Mukakujila Paulu, uze achitongwele Muliuka, kupwa kapolofweto wa Tesitamende ya Yihya. Petulu, Yakova, Yowano, vosena mulivakiko, vakiko vasonekele (mwomwoika, Matewu, Mako, Luka) chuma Yesu alingile, nge vakakusoneka. Oloze Paulu ahakile chumakana muchiyulo, ikiye apwilenga uze—ikiye apwilenga uze kapolofweto wa mu Tesitamende ya Yihya. Chochimwe nge Mose ayile muze mupambo na kutambula kuhwimina cha kusoneka ize—ize Mikanda yitanu ya—ya...ize Mikanda yitanu ya mu Mbimbiliya, chamwaza, Paulu nawa ayile nakwingila mupambo na kutambula kuhwiminina kufuma kuli Kalunga, kuhaka Liuka lya Tesitamende ya Yihya muchiyulo na Kulifwanyisa na chize Chamwaka.

15 Mwishu muze vakiko vapwilenga mulambu wa mwana mukoko, uze Isalele amulaminenga kupwa chakwanukilaho. Vachizachishile lwola lumwe, kwiza nakulovoka kufuma mu Ejipitu. Oloze jino vakiko kupwa nge chakwanukilaho kwiza nakuhita na muchisemunuino. Chamwaza, "kachi lushimbu hakupwa muvwiwimbimbi wa vyuma vili nakwiza," mwamono.

16 Jino, Ngunafwelela nge *kulikata* (echi tulinakuvuluka kupwa "kulikata," jino) chili...chili "kulya cha Mwata chachingoloshi."

17 Jino, etu tukwechi kaha vilika vya Ukalunga vyakumujimba vitatu vatusela etu: chimwe chacho chili—chili kulikata; kusana kumahanji; lujimika lwa mumeya. Evi vikiko vyuma vitatu. Echi chikiko kukupuka, chavize vitatu, talenu. Kaha evi vikiko vyuma vitatu etu tulinavyo. Etu tunatachikiza nge uze ukiko mulonga vachihanyine kuli Mukakujila Paulu mu Tesitamende ya Yihya.

18 Jino, kachi etu natuya nakuhanjika "echi kulikata nge kupwa kaha kulya Lizu," Kangwafwelela kala muthu kupwa nalisesa lya kulya kulya cha Mwata cha chingoloshi kuvangile ikiye nali eli—eli Lizu lya Mwata mukachi ka muchima wenyi. Talenu? Mwomwo Ngulinakuya na...Nanguya nakutanga chumachimwe kuli enu mutando yayindende kaha namuya nakumona. Jino, talisenu. Kahajino, mwomwoika jino etu natuya etu—etu kupwa... .

19 Hachuma chochimwe hano etu natuya vene nakusambisa va Salvation Army. Vakiko kavafwelela mukala lujimiko lwa meyako, ngwavo "Etu katwachitondako." Jino, kachi etu katwatonda lujimiko lwa meyako, mwomwoika etu vatujimikila?

Ngwavo, “Awa meya kaweshi kuhasa kukulwilako, oloze Manyinga akiko eji kukulwilanga enu.”

²⁰ Nanguya nakwitavila na chize. Echi—echi chakwoloka, awa Manyinga eji kukulwilanga enu, keshi meyako. Oloze etu *twatela* kumbata meya kupwa kuzata chakuweluka nge mulimo wamukachi wa likoji unazachiwa. Talenu? Chochimwe naetu hakulikata!

²¹ Omwo etu vanatutwale kuli Mwata, Mulambu wetu, muli etu, nge kupwa kaha Mukusemuka cha mushipilitu muli etu, kaha Mujimba Wenyi, etu twayoyela hali Ikiye ha Lizu, etu nawa *twatela* kuchihaka muchifwanyisa cha echi mwomwo lunapu lushimbi. “Pihilila nakwalumuka, enu vosena kaha vamijimike mu Lijina lya Yesu Kulishitu chakuneha kujimbanga jishili jenu.”

²² Paulu ambile ngwenyi, “Ngunatambula kuli Mwata chize Yami nawa ngwamihanyine enu, ‘Nge Mwata Yesu ufuku woumwe muze Ikiye apwile hivanamusolola ambachile mbolo, kaha ayipuzulwile na kuyihana kuli tumbaji twenyi, kaha—kaha ambile ngwenyi, “Mbatenu na kulya, echi muchilingenga mukungwanuka Yami.” Mwomwo lwola lwosena enu namumbata eyi mbolo, enu muli nakusolwesa kufwa Chenyi palanga nomu Ikiye mwakeza.” Jino etu tunawane nge, muli chize, vakiko vapwilenga na vathu vaze vejilenga na . . .

²³ Ou ndumbu walunga wamwaza, ndumbu walunga wamwaza, ikiye ejile kaha ikiye ambile ngwenyi, “Kanda lyehi—Kanda lyehi nguchilinge echi, Ndumbu walunga Branham, Ngwahona kwivwushisa chuma muka echi.” Ambile ngwenyi, “Vanangunangula sali ikwavo.”

²⁴ Ngwambile ngwami, “Oloze anuka, etu natuya nakwitavila nge Mukakujila Paulu ahakile muchiyulo mu Liuka Lya Vakakulishitu vakulivanga. Vakiko vayile nakufuma muliuka . . . kufuma muzuvo nakuya muzuvo, kupuzula mukate na muchima umwe, kaha na vyangocho. Jino,” Ngwambile ngwami, “ikiye achihakile chize mu Liuka. Ngalasha 1:8, ikiye ambile ngwenyi, ‘Kachi kangelo wakufuma Mwilu mweza na kuhanjika kala chuma cheka, echa apwenga wakwangula,’ mwamono, talenu, uze youmwe uze avajimikile cheka kufuma mulujimiko lya Yowano, kupwa kuvajimika mu Lijina lya Yesu Kulishitu.”

²⁵ Munamono, kuze kuli vyuma vitatu vize etu *twatela*—vyuma vitatu etu *twatondo* kulinga etu vinjikizo: echi kulya cha Mwata cha chingoloshi, kusanyisa kumahinji, kujimika cha mumeya. Talenu? Kuli . . .

²⁶ Enu munahanjika, “Chamwaza, va . . .” Jino, va Salvation Army kuchimbata kufuma muli haze hamaputukilo, “Uze mwiji wakufwa, omwo ikiye afwile, ikiye kavamujimikileko, ohonyi Yesu ambile ngwenyi ikiye mwakapwa Mwilu.” Echi

chinapu chakwoloka vene mumuchano. Echi chikiko vene. Oloze, mwamono, ikiye—ikiye—ikiye kaha amwene Yesu muzevene muli eyi ola ikiye apwilenga nakufwa. Talenu? Echi chikiko kaha—chize chinapu kaha lisesa ikiye apwilenga nacho. Ikiye—ikiye apwilenga mwiji, ikiye apwilenga kweka, ikiye apwilenga kuweluka. Kaha ikiye, haze vene ikiye amwene chize Kumunyika, ikiye achimwene Chize, “Mwata, ngwanukenu yami!” Kaha Yesu . . . Chize chapwilenga muchano.

²⁷ Oloze kuli enu na kuli Yami twatachikiza nge etu twatela kupwa vakujimika, na kukana kulinga echi, kahajino echi nachiya nakupwa mukachi ka enu na Kalunga. Chuma chochimwe mu kulikata!

²⁸ Jino, omwo etu natupwa na echi kulikata, echi kacheshi kaha nge chuma chakuhanjika, “Ngulinakwiza helu hano na kuya nakulya mukate yimwe, kaha Nanguya nakufwelela Ngunapu Mukakulishitu.” Oloze, kachi enu namutalisa, eyi Mbimbiliya ngwayo, “Wosena uze mwalya na kunwana *chakuzenekakutela* mwakaya nakupwa na mulonga wa Manyinga na Mujimba wa Mwata.” Talenu? Enu mwatela kuyoya chiyoyelo chize—chize . . . kumeso avathu, vase . . . kaha kumeso a Kalunga na vathu, echi chinazoloka kuli enu—nge enu muli vakushishika.

²⁹ Jino, kushimbula tando yayindende. Jino, mu Tesitamende Yamwaka omwo mulambu vautungile na—na vilika mokomoko chiyulo. Kaha mukiko chili na lujimiko lwa mumeya kupwa chiyulo; mukiko chili na chiyulo cha kusanyisa kumahinji; mukiko chili na chiyulo cha kulya cha Mwata chachingoloshi. “Wakukisula wosena uze eji kulinganga chiyulo Chenyi chosena, kulama vilika Vyenyi vyosena, jishimbi Jenyi josena, nge ikiye atela kupwa na lisesa lya kwingila mu Mutondo wa Kuyoya.”

³⁰ Jino, talisenu muli echi jino, nge muli chize chatete, omwo echi chapwilenga chiyulo chatete cha Kalunga kuneha mulambu kuliuka, kaha ku tembele na kukamenga, kaha kuhana wana wove, kaha—kaha ha jishili jenu, uze mulambu wa mwana mukoko. Chamwaza, Ngunahase kaha kushinganyeka kumona vamwe va ndumbu va Yuleya kwiza nakushikumuka mujila, kutachikiza nge ikiye apwilenga mukamulonga, kaha ikiye ayile kukamenga; mokomoko kuneha maji eyi a ngombe wakulitemba mokomoko kuji, mokomoko kalachuma apwilenga nacho, mokomoko musamba, mukoko, chumachimwe. Ikiye anehele echi hamavu mujila kupwa kaha wakushishika nge omu ahashile kwiza, ikiye atambukile nakuya kuze, kulama chiyulo cha Kalunga kupwa kaha wakushishika nge omu ikiye ahashile.

³¹ Kahajino ikiye ahakile mavoko enyi hali echi, kwitavila jishili jenyi, kaha uze kapilishitu kuhaka echi (jishili jenyi) hali uze mukoko, kaha haze hamuliu wakuvatula, kaha—kaha jino kumufwila ikiye. Omu ikiye asavalile haze, uze mukoko wamundende nakusanyula na kuhita manyinga, mavoko eyi

akuzala na manyinga, kaha ali nakumwangala hali ikiye hosena, (uze mukoko wamundende kolondondo, kupwa nakufwa), ikiye mwaya nakutachiza nge ikiye avwulumwine shili na chumachimwe atela kufwa muchihela chenyi. Shikaho, ikiye apwilenga nakuhana ou mukoko wakufwa ha kufwa. Talenu, uze mukoko afwile muchihela chenyi. Kahajino uze lunga nalingi mwakushishika, nakukunyuka mumuchima wenyi.

³² Makumishilo, cheka na cheka ayile cheka, cheka na cheka nakutwaliho kuya palanga makumishilo chejile nakupwa chisemwa. Luze lwapwilenga lushimbi lwa Kalunga lweji nakupwa chisemwa kuli vathu. Kaha jino hano ikiye eji hamavu, “Chamwaza, echa talenu, echi *munganji mukananga* lelo, pamo Ngwatela kwiza hamavu. Yaa, Ngwatela kuhana ou—ou kuji.” Ikiye ayile hamavu, “Chamwaza, Mwata, hano ou ikiye kuji yami.” Talenu, kakweshi kushishikako muli chize, kakweshi numba kwivushisa echiko.

³³ Jino, etu katwatondele kupwa na kulikata nge ngachizeko. Echi chinapu chuma chochimwe chineza nakupwa kumesa ya Mwata.

³⁴ Isaya 35...Nduma, Ngukonekelenuko. Isaya 60...Echa yami ngutwela echi kunyima. Ngwa—Ngwa—Ngwafwelela chili mu Isaya 28, mukiko etu natuya nakuwana echi. Yami nguli vene wakukunyuka nge napu kapetulu wakwoloka. Ikiye ambile ngwenyi, “Lushimbi ha lushimbi; kaha lungoji lwakwesekela ha lungoji lwakwesekela; oho hahandende oho hahandende. Kwachilila kulichize chamwaza. Na malimi akukukuma na malimi eka Nanguya nakuhanjika kuli ava vathu. Kaha echi chikiko Kunoka.”

³⁵ Ikiye ambile ngwenyi, “Jimesa josena ja Mwata jineza nakwiza jakupwa jakuzala na vizazo. Hiya Ngunahase kutangisa Kunangula? Hiya Nangulisa kupwa wakwivwushisa?” Talenu? Ngwashinganyeka nge chize chapwilenga Chisoneka chakwoloka, Isaya 28. “Hiya Nangulingisa kwivwushisa Kunangula?” Talenu, “jimesa.”

³⁶ Jino, etu tunawane lelo nge echi chuma chachinene echi tuli nakutalaho ufukuuno, mukwanuka kufwa Chenyi na Mujimba Wenyi nge etu twafwelela nge etu natulyanga hakumbi hakumbi, mokomoko, kukumisa kaha kulya nge omu anangulanga ndumbu walunga kuli etu. Kumbata eli Lizu lya Kalunga, etu twafwelela Echi na michima yetu yosena. Etu twamono Echi kusoloka; etu twamono Echi kutuhana etu; etu twamono Echi kwinjikiza; etu twachivwu Echi muviyoyelo vyetu. Kaha etu twatela kwiza kuli echi na chivezu chijiminyina cha chumamuka etu natuya nakulinga, keshi kupwa kaha mwomwo chinapu chiyulo.

³⁷ Enu yenu muliuka, kaha lwola lwaluvulu vakiko veji kuhana chindanda chamwaka cha mukele mokomoko chuma chimwe

chaku—nge chumachimwe, kuyipuzula, na mukate waulelu mokomoko—mokomoko chumachimwe, na—na kuyipuzula; kaha vathu vase vanuina makaya, kunwa wala, vyuma vyosena, mwomwo vakiko vapwa va membala va liuka vakiko vejile na kulya kulya cha Mwata chachingoloshi. Chamwaza, aze anapu majilo kumeso a Kalunga!

³⁸ Numbathu mulambu, ambile ngwenyi, “Makumbi enu akujila na mulambu wenu wejile nakupwa kunuka mu mazulu Ami.” Olozenyi Ikiye avatongwele vakiko kupwa mulambu. Oloze mujila vakiko vachimwene, yejile nakupwa kunuka, kunuka chachipi mumazulu Ami (mumazulu Eyi), uze vene mulambu uze Ikiye atongwele.

³⁹ Omu mukiko mujila etu tweji kumbatanga Lizu Iya Kalunga, Vakakulishitu vavavulu lelo (valivuluka) veji kulinganga echi. Etu tunemana hano na kutangisa eli Lizu, kaha nakuhanjika, “Yesu Kulishitu keshi youmwe zau, lelo, na hayamyaka,” kaha kutangisa vyuma vize Ikiye ashikile etu nge Ikiye mwaya nakuvumbika, kaha kuhanjika, “Mamalelo, chamwaza, chize chapwilenga cha chuma chimwe cheka,” kulifukula chetu chejile nakupwa kunuka muzulu Eyi. Ikiye keshi kuya nakutambula echiko, kalamwosena omwoko. Ou ukiko mulonga, ha jitato javisemwa vyetu!

⁴⁰ Enu kamweshi kupwa na kulya cha Mwata chachingoloshi ha chisemwa. Enu munahase kuchilinga chinapu zangi ya Kalunga mukachi kamuchima wove, mukulama jishimbi ja Kalunga. Talenu, ou ukiko mulonga namuya nakumbata chize.

⁴¹ Shikaho kachi enu namuhona kupwa na echi kushishika, kupwa kaha chisemwa chacho, “Chamwaza, liuka lyetu lyalama kulikata cha kupuzula mukate hama Chalumingo, mokomoko kamwe kala kakweji, mokomoko kavali ha mwaka,” kaha enu namuya nakukanduka helu, kuhanjika, “Chamwaza, lunapu lwola lwami,” kaha—kaha jino kulya kulikata cha kupuzula mukate, mwomwoika, chinapu kunuka kuli Kalunga! Talenu, chize chinapu kaha chisemwa.

⁴² Numbathuhu nge kalachuma nawa, enu—enu mwatela kupwa vakushishika. Kalunga atonda kujiminyina mukachi ka muchima. Enu anukenu, ou vene Kalunga uze akunehele hano hamavu ikiye Umwe enu muli nakuzachila. Talenu?

⁴³ Enu muli nakulinga echi mwomwo Ikiye ambile ngachize, mwomwo echi chinapu chiyulo Chenyi. Kahajino etu twatondo kwiza na kukunama cha kushishika, kutachikiza nge ha likoji Iya Kalunga nge vanatulwili. Kaha etu—etu twamuzanga Ikiye kaha etu twevwile Kupwa Chenyi, kaha etu—etu kutala Echi kwalumuna kuyoya chetu. Chetu—chetu kupwa chetu chosena kupwa chakwalumuna. Etu—etu—etu twapwilenga vathu vakuhandunuka. Etu katwayoya nge etu twapwilenga na, etu katute kushinganyeka nge etu twapwilenga.

44 Nge mu Mukanda hano, kaha lipenga lize etu twapwanga nakuhanjika hali eyi—eyi Mikanda ivali kupwa Umwe, ou Mukanda wa Kuyoya. Uze Mukanda wa kuyoya kwiza, apwilenga omwo enu mwapwilenga vakusemuka, chize chinapu kusemuka chakumujimba. Talenu? Oloze jino lwola lumwe, kunyima okwo muze, kuze kwapwilenga linona lya Kuyoya nge muze Ngwapwanga nakulumbununa kuli vamwe vavaze vandumbu vamapevevo vachikweze kuzuvo uno musana. Talenu, kuze kuli linona lyalindende lya Kuyoya kusavala hano, nakuze, “Kulihi Echi chafuma? Chuma muka—chumamuka vyuma evi vyaungeji?”

45 Ngwapwanga nakuhanjika echi, kuhanjika hali yami lyavene, nge enu apwanga nakuya nakuhanjika, “William Branham, chamwaza, myaka fwote okwo, va William Branham, kapwilenga youmwe kaha na ufukuuno.” Kachi muthuumwe kunyima kuze mwaya nakuhanjika ngwenyi, “William Branham, ikiye apwilenga chihwanga wangolo,” talenu, mwomwo Ngwapwilenga wakusemuka kuli Charles na Ella Branham. Mu chisemwa chavo Ngwapwilenga mukashili, Ngwejile kuno kukaye, mukamakuli, kaha jitato josena cha kaye japwilenga muli yami. Oloze mwishi muze, nawa, mwapwilenga Chisemwa cheka, talenu, kutongola, chapwilengamo kulihichila muli Kalunga. Muli ou mujimba woumwe, talenu, visemwa vivali mukachi muze.

46 Chamwaza, Ngwapwilenga chakupwa muli yami. Omwo chakulilenga, Ngwakulile nge kemba, “Tata.” Chuma chatete enu munatachikiza, Ngwejile nakupwa mukamakuli, kwiza nakupwa vyumavyosena nawa vize mukashili, mwomwo Ngwawatukile helu haze. Oloze mwishi muze mwapwilenga kachipalu ka Kuyoya lwola lwosena.

47 Ngwapwilenga na kwanuka, kupwa kanyike ka lunga... (Ngwatalilila Nguli nakukwachilila kuli enu nakushimbula. Oloze kutachikiza...) Kutwama kuweluka muze... ha—ha creek bank, kaha Nanguya nakutwama kuze nakutala nakujinguluka ha lwola lwaufuku. Tata na mama, vakiko vya lyehi kukunoka chavo. Kaha mumakumbi aze vakiko vapwilenga vakashile, kuze kakwapwilengako Mukakulishitu mulimbo lyetu mwosena. Kaha, mamaah, yami, kunwa, na kuliwanawana, na kutwalilaho; changulingishile yami kuviza, Ngwawashilenga kumbata vyami—vyami linongo na kawa kami na kuya mumusenge, nakutwama ufuku wosena. Mu lwola lwachishika Ngwahangilenga palanga nachize kuliwanawana chahishile, pamo ha musana na chimene. Twaya hembo, nachiya nakukuma, Ngunapu helu lya muvwule na kusavala, kuvandamina kukutuka chalikumbi.

48 Kahajino Nanguya nakushinganyeka luze lwola, kahajino kupwa kusala kuze mu lwola lwanonga, mbata mitondo na kuhaka yikiko hamavu hachize chakuhokola peho,

ngachilihi nge nakunoka vula; kuhaka muze kaha kupwa na mitondo kuyijika mumeya, kuta ishi; mucho wakawa kami unasavala haze. Nanguya nakuhanjika, “Tala hano. Munahono kutachikiza, chishika chinahichi Ngwapwile muchilombo kuze vene ufuku umwe, Ngwawikile kakahya haze vene omwo Ngwapwilenga na kuvandamina hali kawa kami hano kumutondo, kaha Ngwapwilenga na kakahya haze. Kwatuchile kuheta na kukuhima cha faifi inches kwingila mumavu. Oloze, temo yayindende, kulihi unafuminyina?” Talenu? “Chamwaza, kaha kulihi ove unafuminyina? Hiya ejile kuno kaha nakukutumba ove? Kaha zuvo muka yizuma vakiko vakufumishile? Mokokoko—mokokoko hali echi, wafuma kulihi?” Talenu? Kaze katemo kakandende, Nanguya nakuhanjika, “Mwomwoika, yalikwachile, kaha vyumavyosena, kaha Ngwatungile kakahya helu haze. Kusali ya kututa nakulikwata, kuze kwapwilenga chuma chizuma chinasavala haze ha mungowa wamwaka kuze Ngwakwochele ove. Kaha oloze ove uli hano, kaha enu muli vakuyoya. Ove wafuma kulihi?”

⁴⁹ Chuma muka echi? Kuze kwapwilenga mukwavo William Branham. Talenu? Lipenga lyalindende lya Kuyoya cha Hayamyaka kuze, kufuma mu—mu—mu mbuto ya Kalunga, eli Lizu lya Kalunga lize vahakile muze. Enu vosena munashinganyeka ha vyuma vyovimwe. Talenu, Chize chapwile nakuzata.

⁵⁰ Kahajino tala helu ha mutondo, kaha Ngwashingtonyeka, “Lifwo, Ngwamwene enu kuholoka kufuma mwakawali, kaha mwomwoika enu kunyima kuze cheka? Kulihi enu muli nakufuminyina? Chuma muka chakunehela hano?” Talenu, Chize chapwile Kuyoya cha Hayamyaka yosena kuzata mu mujimba.

⁵¹ Jino, kahajino likumbi limwe shimbu Ngwatambukilenga, lize Lizu kuhanjika, “Kanda ukanwa makanya, kunwa wala, na vyosena.” Kaha vaze vakweze kaha vosena kupwa vakukula. Talenu, kuze kwapwilenga Chumachimwe kutambuka.

⁵² Oloze halwola lumwe Ngwatalile helu, kaha Ngwambile ngwami, “Kangweshi ngumwana walunga wa Charles na Ella Branham. Kuli Chumachimwe kusanyika.” Nge ngonga wami wamundende, “Kangweshi ngukasumbiko. Kuli Chumachimwe helu haze, kumwe. Ove Yehova Wamunene, Mwosena omwo Enu, sokoloka! Ngwatondo kwiza hembo. Kuli Chumachimwe muli yami, kusanyika.”

⁵³ Kahajino Ngwapwilenga wa kusemuka cheka. Chize Chiyoyelo chapwilenga muze, chize kuyoya cha meya chapwilenga chakuhingununa hali Chize, kahajino Yapwilenga nakukula. Jino, chize kuyoya chamwaka chahichile, kuhaka mu kalungalwiji Kalunga wakuvulyama, kuze

navakangwanukilacho yami chekako. Talenu? Jino etu tunemana vakuvulukila kwoloka (nge kanda lyehi tuvulumune) Kumeso a Kalunga.

⁵⁴ Jino omwo etu natwiza ku meso ya Mwata, etu twatela kwiza mukalemesa, zangi na kalemesa, lwa “Tala kuze etu natuya nakupwa kachi kachapwile hali Yamiko.” Talenu? Tala kuli nachiya nakupwa . . .

⁵⁵ Shikaho, Pauulu, Ngwashinganyeka, mu kuhanjika echi, “Shikangaho, omwo enu namwiza hamwe nakulya, livandaminenu umwe namukwavo.” Mukiko kaha, mazu akwavo, vandaminenu minyutu chindende, lombenu, litalatalenu enu vavene. Kaha kachi munatachikiza ndumbu walunga ali muno, pamo kupwa kaha nakulina chuma chimwe chize chakuhenga, mokomoko chumachimwe, kaha enu mulombeelenuko ikiye, nawa. Talenu? Talenu “livandaminenu umwe namukwavo,” vandamina munyutu kaha, lomba. Kachi kuli kwivwa chimwe mukachi kenu mokomoko chumachimwe, kanda—kanda kuchilingako—kanda kuchilingako, yako nakucholola chize, chatete. Talenu? Yako nakucholola, chatete, mwomwo etu twatondo kwiza hano kupwa kaha vatoma nge omu tunahashila kupwa, kaha vishinganyeka vyetu vya umwe na mukwavo na Kalunga, kaha naumwe namukwavo, kaha jino etu kwiza mu kulikata nakujinguluka kumesa ya Mwata. Talenu?

⁵⁶ Kaha etu kulinga echi mwomwo nge etu tuli nakuhana kusakwilila kuli Ikiye, kaha haliumwe namukwavo. Kulya na mukate mukachi ka umwe namukwavo, kunwa vonyo mukachi kaumwe namukwavo, nge Manyinga Eyi na Nyama Yenji.

⁵⁷ “Kuvangila enu namulya Nyama ya Mwana muthu na kunwa Manyinga Eyi, enu kamweshi kupwa na Kuyoya muli enuko.” Talenu? Enu mwamono, omu mukiko Mbimbiliya yahanjika. Kuvangila enu namuchilinga echi, kakweshi Kuyoya. Mwamono? Enu jino, kuvula chipwe kukeha, kusolola nge mulinasonyi kulisolola enu vavene kupwa mu Vakakulishitu, mwomwo ya kuyoya chize chili muli enu. Kaha jino echi chilivene kushikumwisa. Kahajino kachi enu namuhona kuchilinga echi, enu kamweshi na Kuyoyako. Kachi enu namuchilinga namuchilinga mwakuzeneka kutelala, enu muli namulonga wa Mujimba wa Mwata.

⁵⁸ Chumachochimwe na mulujimiko lwa meya. Kachi etu natuhanjika, “Etu twafwelela hali Yesu Kulishitu, Ikiye atulwilile etu kufuma mushili, kaha etu vanatujimika mu Lijina lya Yesu Kulishitu,” mwomwoika, etu kuneha—etu kuneha sonyi kuli Ikiye, etu kulinga vyuma vize vinahenge kaha etu—etu natuya nakufweta hali echi. Kaha chuma chikwavo, omwo etu natulinga echi, etu tulinakweseka kuhanjika chuma chimwe na kulinga chikwavo.

59 Uze ukiko ukalu etu lelo. Chuma muka Ngwashinganyeka. . . Ngulinakunahanjika “etu,” yami, kaha eli liuka eli Mwata Kalunga nangwitavila yami kuhanjika kuli awa maola, nge etu twafwelela nge etu tuli nakuya mulwola lwakusoka. Etu twafwelela nge Kalunga natuhane etu ou Mujimba. Echi chinapu chakutongola kuli Kalunga, Echi chili chakwinjiza kuli Kalunga, Echi vanachisolola kuli Kalunga. Jino etu twatela kwiza kuli Ikiye na kalesa na kupwa na zangi, na kupwa—kupwa na muchima utoma na vishinganyeka na myono.

60 Munatachikiza, ola naiya nakukatuka omwo—omwo haze vene etu natuya nakupwa. . . ou Shipilitu Wajila mwaya nakuhanjika nge Chalingikile muli Anaiya na Safwila. Anuka, talenu, elu lukiko ola luli nakuheta. Talenu? Kaha etu tuli. . . Jino, enu mwatela kwanuka, talenu, nge Kalunga ali nakuya nakutwama mukachi ka vathu Jenyi. Omu mukiko Ikiye atondolo kulinga jino.

61 Etu natuya nakutambula ou Mujimba, na kuhanjika. . . Kachi Ngwapwilenga mukweze wa lunga na—na kuhangasana pwevo, kaha Nanguya nakuwana pwevo, Ngwambile ngwami, “Ikiye ali kaha wakukupuka. Ikiye apwa Mukakulishitu. Ikiye apwile pwevo wakalesa. Ikiye ali mwosena, Ngukwechi lufwelelo.” Chipwethuhu chipwenga ngachilihi nalufwelelo ngachilihi, nachipwa ngachilihi Ngwashinganyeka ikiye apwilenga kanawa, Ngwatela kumwitavila ikiye, ikiye atela kungwitavila yami; talenu, kwimanyina ha jishiko.

62 Chamwaza, echi chili chuma chochimwe etu tunawane kupwa Mujimba. Etu tunamono Echi kupwa chakwoloka. Etu twamono Kalunga kwinjikiza Echi kupwa chakwoloka. Echi chinapu chakwoloka. Mwaka ha mwaka, mwaka ha mwaka, Nachiya nakutwalilaho kupwa chakwoloka, kutwalilaho kupwa chakwoloka. Vyuma vyosena Echi kuhanjika, kusoloka vene mujila Ikiye ambile. Jino, etu twatachikiza Echi kupwa chakwoloka, oloze, talenu, kanda kuchilingako kufuma mukwivwushisa mukutangako. Kachi enu namulinga, enu mwatela kupwa na kulifukula chamuchivali. Talenu? Etu katwatondele kulifukula chamuchivali, chumachimwe chize muthumwe weka kupwa na kutachikiza na etu kupwa nakuyoya cha—cha ujiho wavo.

63 Nge omu Ngwafwelela apwile Yesu ahanjikile kuli Pilatu, chumachimwe, lizu Ngwapwile nakushinganyeka, kaha Ikiye ambile ngwenyi kuli kaha tando yayindende okwo, “Hiya akulwekele echi?” Mokokoko, “Vachisolwele kuli enu? Mwejivile echi ngachilihi?” mumazu akwo. Ngunahono kutachikiza lize lizu jino lika, hanashimbula lwola lwamukwenu kufuma Ngwatangile echi, oloze, “Ngachilihi enu—ngachilihi enu munatachikiza echi? Ika? Ngachilihi? Hiya asolwele echi kuli enu?” Hali Ikiye kupwa Mwana Kalunga. “Hiya achisolwele

echi kuli enu? Kumana muthuumwe ikiye amilwekele echi? Mokomoko,” nge muze ahanjikile Yesu, “chili kuli Tata Yami wa Mwilu ikiye nasolola echi kuli ove?” Talenu? Talenu? “Walinanguile echi ngachilihi, chamuchivali mokomoko chinapu kusoloka cha kukupuka kufuma kuli Kalunga?”

⁶⁴ Echi chinapu kulikata chumachimwe kaha Nguli nakuya helu hali echi, chiyulo, kuhanjika, “Chamwaza, vosena muli vakiko kumbata echi, Nanguya nakulinga nawa”? Chinapu kusoloka chize Ngunapu chihanda cha Ikiye na Yami chihanda kuli enu, kaha Ngwamizanga kaha Ngwamuzanga Ikiye, kaha etu tuli nakuhanjika echi hamwe kupwa chifwanyisa cha zangi ya Kalunga, na zangi yetu na kulikata kuli umwe na mukwavo.

⁶⁵ Jino Ngwatondo kutanga vimwe kufuma mu Chisoneka. Kaha jino Ngwashinganyeka. . . Kulihi ove mulinga. . . Mukala jila Ndumbu walunga Pearry ali nakufwila lelo. Ngwafwila enu muhase kutanga hamwe na yami, kachi enu mukwechi Mbimbiliya yenu. Kolinde Watete, na—na kapetulu 11, kaha kuputuka na vasi 23.

⁶⁶ Kaha jino nawa, ha mbalaka yetu, etu tuli lwola lwosena tweji kulama kusanyisa kumahinji, lwola lwosena, mwomwo vikiko vyeji kuyanga hamwe. Ngwafwelela ndumbu walunga avilikanga echi “Chitatu naufuku” mwomwo ya lizavu kaha enu kamweshi na kutamoku. . . kapete kwingisa vathu mukusanyisa kumahanji, vakiko vali nakuya nakulama—kulama echi Chitatu naufuku.

⁶⁷ Jino, vasi 23 ya kapetulu 11 wa Kolinde Watete, ivwulilenu Paulu jino. Jino anuka, na kulama echi muvishinganyeka, Ngalasha 1:8, “Kachi etu mokomoko kala kangelo kufuma mwilu kunangula kala mujimbu kuli enu,” (kuhambakana ou Mujimbu vanangangula) “echa ikiye apwenga wakwangula.” Talenu?

Mwomwo Ami ngwatambwile kuli Mwata chize Ngwamiselelele nawa, Ngwami haufuku uze vamusolwele kuli vakakole Mwata Yesu anonele mbolo:

Kahomu alingile hanasakwilila lyehi, ayipuzulwile, . . . avambile ngwenyi, Ou mujimba wami: vanahane hali enu, kalingalingenunga ngana: mukangwanukilengaho yami.

⁶⁸ Jino, echa ngwimane hano vene, nakuhanjika: oloze kumbata mujimba wa Mwata Yesu Kulishitu muli echi kulikata, kachalumbunukile nge nge kulikata unapu vene mujimbu wa Kulishitu. Echi Chikatolika. Kangwafwelela nge echi echi chakwoloka. Ngwafwelela echi kaha kupwa chiyulo chize Kalunga atunga na etu, talenu, kaweshi mujimba uveneko. Echi chili. . . Jino, echi chili vene chihanda chachindende cha mbolo ya kutunga. Chili kaha chiyulo.

⁶⁹ Chipwethuhu Yami kufwelela nge lujimiko muli Yesu Kulishitu (mu Lijina lya Yesu Kulishitu) mu meya cheji kukonekela jishili. Kangwafwelela ngachizeko kuli enuko...Ngwafwelela nge enu vanahase kumijika vosena likumbi lyamuundu...Jino, Ngunatachikiza nge kuli pamo vathu vanatwame hano vaze vanafumu ku liuka lya Chipositolo, Ngwatwale mu mokomoko va liuka lya United Pendekosital, vaze veji kutangisanga echi. Oloze, mwamono, Kangwa—Kangwafwelele echiko nge meya eji kukonekela jishili. Mokomoko, kachi apwilenga, kahajino Yesu afwile mwamokomoko. Talenu? Ngwafwelela nge echi chili kaha chiyulo cha Kalunga, talenu, kusolola nge enu vanamikonekela. Oloze kupwa wakujimika ha kutungulula, nduma, Kangwa—Kangwa—Kangwafwelela echiko. Kangwafwelela nge meya nawakonekela jishili.

⁷⁰ Chipwe Kufwelela nge mbolo na vinyo ali nakala chuma kulinga na ove, shina kulama kaha chiyulo nge Kalunga achitongwele hali etu kuchilinga. Talenu? Echi chakwoloka. Ngwafwelela lujimiko lwa mumeya hichuma chochimwe. Ngwafwelela echi chili kutushijila etu kulinga echi, nge Ikiye nachilingi chosena kupwa chakutalilaho. Kaha Ikiye nalingi echi kupwa chakutalilaho. Kaha Ikiye asanyishile mahinji kupwa chakutalilaho.

⁷¹ Jino, “Hanyima yachuma chochimwe nawa,” vasi 25:

Ngocho nalupasa nawa omu valingile hivanali lyehi, ngwenyi kaha, lupaselu lunapu kushika, chachihya cha mumanyinga ami: mwomwo chosena namulya mbolo eyi, enu nakunwa mulupaselu, mulinakuvilika kufwa chenye palanga nomu mwakeza.

Ngocho wose namu... (Anuka jino!)... Ngocho wose namu enu mwakalya eyi mbolo, na kunwa muli elu lupasa, enu muli nakusolola ngocho kufwa cha Mwata palanga nakukwiza chenye. (Kufuma muka? “Palanga nomu Ikiye mwakeza!” Talenu? Talenu?)

Ngocho wosena mwakalya mbolo eyi, chipwe kunwa mulupaselu lwa Mwata, chakuzeneka kuchilinga nganomu chatela, mwapwa namulonga hamujimba wa Mwata nahamanyingenye.

⁷² Echa yami ngwimane munyutu kaha. Mulonga ikiye ambile echi, enu talisenu echi mu vasi yikwavo hano, kapetulu mukwavo, nge ikiye ambile ngwenyi, “Ngunevwushisa omwo enu—omwo enu twayenu hamwe enu mulinakulya, numba kunwa ku mesa ya Mwata.” Vakiko vahonene kwivwushisa echi, mwamono. Vakiko vapwile kaha vakuzuzuka, talenu. Kupwa kaha nge vathu kulinga lelo, yoya kaha kala muyachi wakuyoya na kumbata echi. Talenu? Ikiye ambile ngwenyi, “Enu mukwechi

membo akulilako, talenu. Oloze, echi chinapu chiyulo chize etu watela kulama, talenu.” Jino:

Oloze mutu alyesekenga ivene, numba akalye na kumbolo, akanwe na mulupasa.

Mwomwou mwalya na kunwa chakuzeneka kutela, kaha ali nakulya nakunwa nakulikokela kupaya, hakuhona kutumbununa mujimba wa Mwata. (Talenu?)

⁷³ Uhiya ove? Enu muli Vakakulishitu, enu mulinakuyoya shimbu kanda kala muthu kupwa nge Mukakulishitu. Kaha kachi enu namumbata echi na kuhona kuyoya nge Mukakulishitu, enu kamweshi nakutumbununa Mujimba wa Mwata. Enu muli nakuhaka chimbuji mujila yamuthu weka, talenu, nge vakiko talenu kweseka kulinga chize kaha jino nakuyoya chakuzeneka kutela omu watela kuyoya. Talenu, enu kamweshi nakutumbununa Mujimba wa Mwata. Jino tala chuma muka echi . . . changu muka echi:

Hoho vene vanazeyela vavavulu muli enu vanavijilaho, kaha vavavulu vanasavala lyehi tulo. (Kulumbununa chakwoloka cha eli lizu, Ndumbu walunga Pearry, chili “kufwa.” Talenu? Talenu, “vavavulu vanafu.”)

Oloze twapwanga—oloze twapwanga nakulyesekesa etuvavene, kachi kavasopeseleko. (Talenu, kachi etu natulisopesa etu vavene kachi kavatusopeselako. Talenu?)

Oloze omu navatusopesa, navatuzangamisa kuli Mwata, kuchina kutupayishila navakamavu hamwe. (Talenu, keshi kukwata kukayeko.)

Shikaho, enu vandumbwami, omu namulikungulula nakulya, livandaminenu navakwenu. (Talenu?)

Kaha nge muthu ali na zala, akalile kuzuwo yenyi; kuchina enu namulikungulula chakukokela kupaya. Kaha vyuma vikwavo Nangwiza nangukavyololomu nangukeza kuli enu. (Talenu?)

⁷⁴ Jino, mumazu akwavo, kanda kwiza kaha nakumbata echi kahako . . . Nge omu Ngwambile ngwami shimbi yakunyima okwo, hali va Yuleya na mulambu wavo, vakiko . . . Echi chapwilenga chamwaza, echi vachihanyine kuli Kalunga, oloze echi chatela kuheta kuchihela vakiko vahonene kulinga echi mukushishika na kalesa kaha muchiyulo, kaha jino chejile nakupwa . . . echi nachiza na—na kunuka mumazulu Eyi.

⁷⁵ Jino, chuma chochimwe nahakwiza nakulya kulya chachingoloshi cha Mwata, chize, etu twatela kwiza nakutachikiza chuma muka etu twatela kulinga. Chochimwe nge omwo enu namuya nakwingila mumeya nakupwa na kumijimika mu Lijina Iya Yesu Kulishitu, munatachikiza chuma muka enu

mulinakulinga, enu muli nakuhaka hali uka chuma Kalunga nahake muli enu, Kulishitu.

⁷⁶ Omwo etu natumbata echi, nachisolola kuliuka, nge, “Ngwafwelela kala Lizu Iya Kalunga Iyosena. Ngwafwelela nge Ikiye apwa Mbolo ya Kuyoya ize yafumine kuli Kalunga wa Mwilu. Ngwafwelela kala Lizu lize Ikiye ahanjikile kupwa Muchano. Kaha Ngwayoya hali Echi, kutesekesa namwami mwosena ngwatachikiza, kalunga kupwa Mukakusopesa. Shikaho, shimbu kanda vandumbwami vamaunga, shimbu kanda vandumbwami vamapevo...Kangwa—Kangweshi kulishingako, Kangwashingako, Kangwalinga vyuma eviko, mwomwo Ngwamuzanga Mwata, kaha na Mwata natachikiza echi na kupwa naunjiho hali yami. Shikaho, shimbu enu, Ngunambate eyi mbandulu ya mujimba Wenyi, nakutachikiza nge Kavangupaishile hamwe na kayeko.” Talenu, yenu haze, kahajino echi chinapu kukisula.

⁷⁷ Kaha, anuka, Ngunahase kuhana maujiho amavulu hali echi, kuze Ngunatwale echi na kuchilumbununa mukapete kamisongo, nakuvamona kuhinduka.

⁷⁸ Anuka, omwo va Isalele vamabachile chifwanyisa cha echi, vakiko vatambukile ungeji wa myaka fwote muze mupambo na mauvwalo avo akuzeneka kupulika, kaha vakiko valovokele chakuzeneka numba umwe—umwe mukachi kavo, na vathu tu miliyone kupwa muyachi wa echi. Chamwaza, kaha Chifwanyisa nachiya nakulinga ika? Kachi mujimba wa kanyama wamulambu alingile chize hali vakiko, ngachilihi Mujimba wa Yesu Kulishitu, Emanuwele, kutulingila etu? Echa tupwenu kaha vakuliunjika omwo etu natwiza. Echa etu tupwenga kaha vakuliunjika nge omu etu tunatachikiza, na kwiza.



KULIKATA LVE65-1212

(Communion)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chingoloshi, Kuvale 12, 1965, mu Mbalaka ya Tucson yamu Tucson, Arizona, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2021 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org